



Broj: 02-11-1998-4/25

Fojnica: 23.10. 2025. godine

Na osnovu člana 64. stav 1. tačka b. i člana 70. stav (1), (2) i (3) Zakona o javnim nabavkama („Službeni glasnik BiH“, broj: 39/14, 59/22 i 50/24), člana 39. Statuta Općine Fojnica – Prečišćeni tekst („Službene novine Općine Fojnica“, broj: 2/15) a u vezi sa preporukom Komisije za provođenje postupka javne nabavke, broj: 02-11-1998-3/25 od 22.10.2025. godine, Općinski načelnik donosi

ODLUKU **o izboru najpovoljnijeg ponuđača**

Član 1.

Na osnovu provedenog postupka javne nabavke radova „Rekonstrukcija rezervoara za naselje Podgora općina Fojnica (Izgradnja kaptažne građevine)“, putem Konkurentskog zahtjeva, broj Obavještenja o nabavci: 546-7-3-51-3-46/25 od 03.10.2025. godine i kriterija najniža cijena, kao najpovoljnijom i ocjenjenom najprihvatljivijom ponudom je ponuda ponuđača „MILIČEVIĆ-GRADNJA“ d.o.o. Kreševo a sa ponuđenom cijenom u iznosu od 14.990,00 KM, bez uračunatog PDV-a.

Član 2.

Izabrani ponuđač je dužan u roku od 5 (pet) dana od dana prijema ove Odluke Ugovornom organu dostaviti dokumente iz člana 45. stav (2) Zakona o javnim nabavkama BiH, kojim dokazuje vjerodostojnost date izjave.

Član 3.

Prijedlog Ugovora o nabavci dostavit će se na potpis izabranom ponuđaču iz člana 1. ove Odluke u skladu sa odredbama Zakona o javnim nabavkama BiH.

Član 4.

Ova Odluka bit će objavljena na web-stranici Općine Fojnica, istovremeno s upućivanjem iste svim ponuđačima koji su učestvovali u postupku predmetne javne nabavke, shodno članu 70 stav (6) Zakonu o javnim nabavkama BiH.

Obrazloženje

Postupak javne nabavke radova „Rekonstrukcija rezervoara za naselje Podgora općina Fojnica (Izgradnja kaptažne građevine)“, proveden je putem Konkurentskog zahtjeva na osnovu Odlukom o pokretanju postupka javne nabavke, broj: 02-11-1998/25 od 01.10.2025. godine. Procijenjena vrijednost predmetne javne nabavke bez PDV-a je 15.000,00 KM. Obavještenje o predmetnoj nabavci objavljeno je na portalu javnih nabavki i u sistemu E-nabavke, pod brojem: 546-7-3-51-3-46/25 od 03.10.2025. godine.

Tendersku dokumentaciju su preuzeli ponuđači: 1. EKAPIJA DOO, 2. RB WOODWORK, 3. TENDERI DOO, 4. BBS EUROPE, 5. TENNECO ING D.O.O., 6. MILIČEVIĆ-GRADNJA D.O.O., 7. AJNUR-DRVO DOO KREŠEVO, 8. BOSA D.O.O i 9. SIM-INVESTICIJE.

Ponudu je blagovremeno dostavio 1 (jedan) ponuđača, „MILIČEVIĆ-GRADNJA“ d.o.o. Kreševo

Neblagovremeno zaprimljenih ponuda nije bilo.

Komisija za provođenje postupaka javne nabavke, imenovana Rješenjem načelnika Općine broj: 02-30-223/25 od 29.01.2025. godine je dostavila načelniku Općine Zapisnik o pregledu i ocjeni ponude sa preporukom o izboru najboljeg ponuđača za nabavku radova „Rekonstrukcija rezervoara za naselje Podgora općina Fojnica (Izgradnja kaptažne građevine)”, broj: 02-11-1998-3/25 od 22.10.2025. godine.

U postupku po dostavljanju zapisnika konstatovano je, da je Komisija za javne nabavke blagovremeno i ispravno izvršila javno otvaranje ponuda i ocjenu pristiglih ponuda, u kojima je utvrđeno sljedeće:

- da je ukupan broj pristiglih ponuda 1 (jedna)
- da je blagovremeno zaprimljena 1 (jedna) ponuda
- da nije bilo neblagovremeno zaprimljenih ponuda

Iz naprijed izloženog, a shodno kriterijima vrednovanja, utvrđeno je da je ponuda ponuđača „Miličević-Gradnja“ d.o.o. Kreševo prihvatljiva, te da je isti ponudio najnižu cijenu tehnički zadovoljavajuće ponude i to u vrijednosti od 14.990,00 KM bez PDV-a, odnosno 17.538,30 KM sa PDV-om.

- Obzirom da je prihvatljiva samo jedna ponuda, E-aukcija se nije provodila.

U postupku donošenja ove Odluke, posebno je cijenjena činjenica, da je Komisija pravilno i potpuno izvršila ocjenu kvalificiranosti ponuđača, kao i ocjenu pristiglih ponuda, shodno kriterijima iz Tenderske dokumentacije, te je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom. Uzimajući u obzir navedeno odlučeno je kao u dispozitivu ove Odluke.

POUKA O PRAVNOM LIJEKU

Protiv ove Odluke dozvoljena je žalba Uredu za razmatranje žalbi putem ugovornog organa u pisanoj formi na način i u roku propisanom članom 99. i 101. Zakona o javnim nabavkama BiH.

Dostavljeno:

1. „Miličević-Gradnja“ d.o.o. Kreševo
2. Evidencija
3. A/a



OPĆINSKI NAČELNIK

Sabahudin Klisura, dipl. ing.